



METANAN prinsipal di HOPE :

1. Duna kompanianan oportunitat di praktiká deporte komo ekipo i pa medio di esaki traha riba “teambuilding” i sera amistad nobo (“networking”)
2. Krea fondo pa hasi donashon duradero den área di deporte

HOPE 2025 ta keda repartí durante dos diferente divishon i lo hunga e weganan den dos diferente periodo :

1. HOPE 2025 KOMERSIAL kual weganan lo tuma lugá di 15 di mart te 20 di aprel 2025 (djasabra i djadumingu)
2. HOPE 2025 NON-KOMERSIAL kual weganan lo hunga riba dianan 28 mart – 4/11/13/17/19/20/25/26 i 27 di aprel 2025

DEADLINE PA INSKRIBÍ I ENTREGÁ LISTA DI HUNGADÓ I PAGA KONTRIBUSHON: 5 DI MART 2025

REGLANAN HOPE NON-KOMERSIAL 2025

1. Kategorianan HOPE KOMERSIAL :

A.SOSIAL MASKULINO ;

- máksimo di 3 hungadó aktivo riba tereno;
- máksimo di 5 hungadó aktivo riba lista.

B.COED

- máksimo di 2 hungadó maskulino aktivo riba tereno;
- máksimo di 3 hungadó maskulino aktivo riba lista.

2. E hungadó mester tin 18 aña di edat pa e por partisipá den HOPE.
3. Lista di hungadó mester kumpli ku e siguiente rekisítonan:
 - Nòmber, fam i fecha di nasementu
4. Deskripsjon di hungadó aktivo: un hungadó ku ta aparese riba lista di hungadó di un klup ku a forma parti di kampeonato/torneo 2024 di sòfbòl slowpich, sòftbòl fastpich, i beisbol FEBEKO (tantu lokal komo internashonal) i ku a fildia i/o ku tin "plate appearance" den e torneo of kampeonato menshoná.
5. Hungadó di ku edat di 40 aña of mas i a kumpli 40 aña promé ku kuminsamentu di e torneo ta wòrdu konsiderá komo hungadó in-aktivo
6. Mester hunga ku 10 hungadó riba tereno (mira Regla WBSC3, sekshon, 2.2) Ta pèrmití hunga ku Batidó Asigná (BA), ku ta hunga ofensa so. Mester anunsiá e BA na kuminsamentu di wega. Den kaso ku uza un Batidó Asigná (**BA**) 11 hungadó ta bati, inkluyendo picher, i 10 hungadó ta fildia. Tur hungadó ku kuminsa wega riba lain-òp {hungadó habridó}, inkluso Batidó Asigna, tin derechi di ri-èntri. Ta kuminsa wega ku 11 hungadó i mester terminá e wega ku 11 hungadó. No ta pèrmití pa hunga ku Hungadó Designá (HD).
7. Tene na kuenta ku na momentu ku alineá e máksimo di hungadó aktivo, e cambio lo ta di aktivo pa aktivo riba òrdu di bateo (riba lain-òp/skor shit). Ke men ku si tin e máksimo di hungadó aktivo den wega, bo no por saka un aktivo i hinka un in-aktiva na su lugá. E regla no ta pèrmiti esaki, kontrali si por. Aktivo ku a wòrdu mandá tereno den e cambio mester baha bèk, i lo no por sigui partisipá den e partido konserniente ei mas (esaki nota wòrdu kalifiká komo ekspulshon). Dado kaso resultá ku un hungadó di e ekipo kontrinkante tòg ta aktivo, e klup ku kier protesta tin 2x24 ora pa protestá e wega aki.

8. REGLANAN ADISHONAL KATEGORIA MASKULINO i KATEGORIA MIKSTO (COED)

1. Den Kategoria COED no tin máksimo di hungadó aktivo Femenino. Tur hungadó porta hungadó aktivo riba tereno;
2. Den kategoria COED mester hunga ku un total di 10 hungadó, 5 hungadó femenino i 5 hungadó maskulino.
3. Uzo di Batido Asigná (B.A.) no ta obligatorio, pero si uza Batido Asigna nan mester ta dos 1 BA femenino i 1 BA maskulino
4. Den orden di bateo mester alterná generonan (hungadonan femenino i maskulino ta bati saltá ("om en om")). No tin eksepsjon riba esaki.
5. Si e tim kontrali duna un batidó maskulino base por bola intensjonal of di otro manera, ta resultá den konseshon di dos base. E siguiente batido femenino mester bati.
EKSEPSHON: Ku dos out e batido femenino tin opshon pa skohe pa base por bola, of pa bati.
6. Kada ekipo mes mag skohé e posishon di su hungadónan riba tereno.

9. KLASIFIKASHON

A. KLASIFIKASHON GENERAL

Na momentu ku inskripshon sera, lo determiná kuantu ekipo tin den kada pul i tambe e sistema di klasifikashon. Tur ekipo lo wòrdu informá di e sistema aki.

B. KLASIFIKASHON DEN KASO DI EMPATE

Ta eksistí un empate, na momento ku dos of mas ekipo tin e mesun resultado di wega ganá i pèrdi. Pa solushoná e empate lo uza e siguiente sistema:

1. Si tin dos ekipo empatá: ta klasifiká e ekipo ku a gana e wega hungá kontra otro den e torneo (regular), pues ta klasifiká e ekipo ganadó dilanti di e ekipo ekipo pèrdedó.
2. Si tin mas ku dos ekipo empatá: ta klasifiká e ekipo ku a gana e wega hungá kontra otro den e torneo (regular), pues ta klasifiká e ekipo ganadó dilanti di e ekipo pèrdedó. Si e ekiponan ta sigui empatá, ta klasifiká e ekipo pa resultado di nan di kareda kontra den e weganan ku e klupnan ei a hunga kontra otro den torneo regular. Ta klasifiká e ekipo ku menos kareda en kontra dilanti di e otro ekiponan. Si aïnda empate ta persistí entre e ekiponan, ta klasifiká e ekiponan pa resultado di nan kareda en kontra den tur e weganan ku e ekiponan ei a hunga den e torneo regular. Ta klasifiká e ekipo ku menos kareda en kontra dilanti di e otro ekiponan.
3. Si te aïnda e klupnan ta sigui empatá, lo disidí posishon dor di lòt. E klup ku gana lòt ta klasifiká dilanti di e otronan.

10. REGLANAN GENERAL DI WEGA

1. Picheo lo ta pone bala (slo) pa tur divishon. NO ta pèrmití picha "boogbal". Umpayer ta deklara e lansamentu ilegal.
2. No ta pèrmiti picher pa den lansamentu lora bala abou ni tira e bala intenshonalmente di tal forma malu pa e batidó no par bati e lansamentu, esaki na apresiasion di pleit umpayer. Umpayer lo duna un atvertensha. Si e akto kontinuá umpayer lo deklara picher ilegal i e picher no por picha mas pa restu di e wega.
3. Por habri na base na momentu ku e bala sali for di e picher su man riba riesgo propio pa e echo ku no tin robo. Si dado kaso e kècher tira primera i fildeadó tek e koredó ku e bala promé ku e koredó yega base, e koredó ta out. Si e kècher tira malu na base i e bala bai laga e fildeadó na base, bala ta muri mesora i koredonan na base no tin mag di kore (no mag di avansá un base). NO tin robo i koredónan no par avansá base riba pasbòl i/of wilde pich.
4. Batidó ku bati un foulbòl na momentu ku e tin 2 strike ta outomátikamente out.
5. Ta estríktamente prohibí pa tira bate den ki forma ku ta. Tiramentu di bate den laira pa kua motibu ku ta, of tira bate intenshonalmente of no, den direkshon di dugout, kontra waya di fèns of riba tereno di wega, NO TA PÈRMITÍ. Hungadó ku hasl su mes kulpabel na un di e aktonan aki lo wòrdu ekspulsá inmediátamente for di wega. Esaki na apresiasion di umpayer.

6. Na kuminsamentu di kada wega lo tòs pa determiná e ekipo di kas i e ekipo bishitante. E resultado di e tòs no tin influensia riba eskoho di dug-out.
7. Ta pèrmiti tira 1 base por bola INTENSHONAL pa hungadó pa wega. Un hungadó no por risibi mas di 1 base por bola intenshonal den 1 wega
8. No ta hunga ku "Slash ni Toke". Batidó ku slash tòg lo ta outomátikamente out.
9. Tur ekipo mester ta na tereno i uniformá mei ora promé ku e ora stipulá pa e wega kuminsá. Mirando ku tin un tempu di solamente 15 minüt entre e weganan, e ekiponan mester uza e mei ora akl pa asina kalentá i por kuminsá e wega na ora.
10. Mester entregá Lain-òp shit 15 minüt promé ku e wega kuminsá. Riba lain-òp shit mester anota:
 - a. Nòmber, fam, posishon y number di hungadónan lineá;
 - b. Nòmber, fam y number di hungadónan di reservá
 - c. Mester marka hungadónan aktivo i tambe e hungadonan ku ta 40 aña of mas .

11. TEMPU DI WEGA

1. Tempu di wega ta kuminsa kore na momentu ku **Umpayer** subi tereno. Si umpayer yama ekiponan i ekipo **A** entrega lain-òp promé i mester warda mas ku 5 minüt riba ekipo **B** i ekipo **B** tin sufisiente hungadó, ekipo **B** ta haña 1 kareda kontra pa kada 5 minüt ku e lain-òp no wòrdu entrega dor di ekipo **B**. Esaki ta pa no pèrhudiká e ekipo **A** ku si ta kla na ora pa ku time limit.
2. Si un klup no ta kompletu na momentu ku tempu di wega kuminsa kore, e lo haña 15 minüt pa kompletá. Despues di e tempu aki si ainda e ekipo no a kompletá, E ekipo ta bolbe haña 15 minüt mas pa kompletá, lo sanshoná e ekipo aki ku 1 kareda kontra pa kada 5 minüt ku ainda e ekipo no a sera. Despues di 15 minüt bolbe pasa i ku e ekipo no kompletá e wega lo wordu di forfeit, e ekipo lo perde e wega pa forfeit i lo risibí 15 kareda kontra.
3. Ta hunga ku "Time-limit" di 1 ora i 15 minüt pa e ekiponan maskulino i COED i un mínimo di 5 ining i un máksimo di 7 ining.
4. Den e wega Final e ekiponan lo hunga **7 ining kompletu**. (Nòkout i blèkout ta keda vigente).
5. Si e wega ta empatá ora "Time-limit" yega, of despues di 7 ining pa e ekiponan Maskulino i COED lo apliká "Tie-break rule" mesora.
6. Regla di nòkout ta vigente. Esaki ta niflká ku si despues di 5 ining pa ekiponan Maskulino i COED tin un diferensha di 10 of mas kareda e wega ta tèrmina outomátikamente.
7. Regla di "blèkout" ta vigente. Esaki ta nifika ku si despues di 3 ining pa ekiponan Maskulino i COED tin un diferensha di 15 of mas

kareda e wega ta tèrmlna outomátikamente.

8. Regla di Hèndikep ta aplikabel. Un ekipo por kuminsá hunga ku 9 hungadó, pero na momentu ku toka turno na bate na e di 10 hungadó, e ta bira outomátikamente OUT. Na momentu ku e di 10 hungadó yega, i ta presente den dugout den unifòrm, e hungadó ei mester dreña wega mesora.
9. Weganan ku a wòrdu suspendé lo keda hunga solamente si nan tin efekto riba klasifikashon.

12. UZO DI MATERIAL

1. No ta pèrmiti uso di Spaik di metal.
2. **No** ta pèrmiti usa bate "**Matón**", ni bate raspá ku bo no ta mira marka ni nòmber.
3. Bate nan mester tin un SEYO di fabriká. Batenan trahá di e material **TITANIUM, CARBON GRAPHITE, ARAMID FIBER, S-GLASS** i otro asina yama **COMPOSITE FIBERS** lo no ser pèrmití.

13. PROTESTA RIBA HUNGADÓNAN INELIGIBEL

Na momentu ku protestá kontra un hungadó ineligibel promé of despues ku wega kuminsá, e wega lo wòrdu hunga bou di protesta.

Por entregá protesta solamente si paga un bòrg delantá di f 200. Si gana e kaso ta risibí e sèn bèk. Si pèrdè e kaso ta pèrdè e bòrg tambe.

Tur protesta mester wòrdu presentá via di un karta/mail den ménos ku 2x 24 ora despues ku e wega a wòrdu hunga. Protesta hasi den weganan semi final i final mester wòrdu entrega durante di wega. Si e wega terminá i protesta no a wòrdu entrega, **protesta no ta vigente**.

Hungadó ekspulsá for di wega lo keda di skòrs outomátikamente pa e próximo wega di su klup, sperando un kastigu adekuá, imponé dor di Komishon Organisadó, basa riba gravedat di su komportashon.

14. IMPORTANTE PA SA

1. Riba tur situashon di wega ku no keda stipulá den e reglamentu aki, Komishon Organisadó huntu ku komishon di Umpayer lo tuma un desishon.
2. Den tur kaso den kua e reglamentu aki i/of Komishon Organisadó no stipulá otro, ta hunga e weganan bou di regla di "Official Rules of Softball WBSC 2021-2025"
3. Kada klup ta keda responsabel pa posibel aksidente ku lo por sosode ku nan miembranan tantu riba tereno di wega komo pafó

di tereno.

4. **Van Engelen Ballpark Foundation ni tampoko Komishon Organisadó no ta responsabel pa posibel daño of kiebro na outo riba van Engelen Ballpark**
5. **NO TA PÈRMITÍ PA KLUPNAN TRESE KONSUMO NA TERENO.** E klup ku faya ku e regla aki lo ser ekspulsá for di Torneo Hope 2025

Fair play ta di hopi importansia;